

金史紀事本末

金史紀本末卷二十二

賜封資政大夫 特賞內閣中書前江西峽江訓導萍鄉李有棠編纂

秉德唐古辯謀逆 烏達等附

熙宗皇統七年冬十一月乙亥兵部尙書秉德進三

角羊擢爲參知政事秉德本名伊遜 原作乙辛攷異

阿辛續通考羊作牛云一作羊又 天眷五年十月大名進牛生麟 宗翰 原作子也初

爲西南招討使改汴京留守丁母憂起復至是由兵

部尙書拜參政

八年夏四月辛丑遣秉德與烏凌阿富勒呼等廉察

官吏使還拜平章政事

九年

十二月海陵篡立
改爲天德元年

秋八月庚申廷議徙遼陽渤海之民於燕南

秉德及左司郎中薩哈

原作三合

主其事

侍從高壽星等當遷訴於后后怒白帝怒議者杖秉

德殺薩哈

九月戊戌以秉德爲尙書左丞相兼中

書令時熙宗在位久悼后干政而繼嗣未立帝無聊

不平屢殺宗室筆辱大臣秉德懷忿乃與唐古辯烏

達等謀廢立烏達告海陵海陵因與秉德謀弒帝遂

於是年十二月九日與唐古辯烏達呼圖額勒楚克

大興國李老僧海陵妹夫塔斯弒帝於寢殿

攻異大金國志

云燕京留守岐王亮時在外諸王召入同謀潛往上京至駟馬宅與燕趙諸王議駟馬曰有一人可使乃

興國奴也此人奸犀帶妓王照夜白馬惠之必從興
國奴大喜結門者乞伏效里等令開門諸王入主熟
寢叱曰無道主匹夫耳可速斬之言訖劍落良久死
駙馬以衾裹其屍苗耀神麓記云唐古十率平章亮
參政蕭王仲武太常烏達宿直將軍幹諸尙廐局使
高景山及興國奴同謀護衛忽笑以槍刺殺之繫年
要錄云時有護衛將軍瑚圖克初不與謀亮等入霄
儀殿門竄驚起求弓刀不獲瑚圖克以槍刺竄於殿
壁衆前爭研殺之所秉德意未有所屬呼圖奉海陵
載姓名互異今從史
坐因羅拜呼萬歲殺曹國王宗敏子本名阿里布太祖
傳政異汪輝祖金史同名錄云亦作阿魯補卷三太
宗紀天會八年將官歸德節度卷五十九宗室表景
祖裔行臺左丞相卽阿离補亦作阿里補阿盧補卷
七十六宗固傳太宗子虞王宗偉及海陵子光英五
人同名阿魯補苗耀神麓記作阿魯字山子阿里罕
亦被害又宗室表宗敏官太傅領東京行臺尙書省
事長子袞本名薩哈連封舒國公進爵
王次子阿里罕封密國公所載各判
左丞相宗賢

本名色哩一作賽里希卜蘇孫官太保都元帥領三省事與海陵同相未嘗假借為所忌被殺初熙宗殺胙王常勝納其妻宮中尋殺悼后將以常勝妻為后未果海陵詭以熙宗議立后召將入猶曰當力爭及被殺尚未知也見本傳攷異續通考希卜蘇一作辭不出孫宗賢皇統四年封幽國公至列傳第六十六卷之宗賢宗定子本名阿魯臨海節度封廣平郡王正隆例降大定初封景國公起博索路都總管卒另一作汪輝祖金史同錄云賽里一作塞里卷七十一韓魯傳曾孫卷一百二十一溫迪罕蒲覲傳迪幹羣牧使三人海陵立以秉德為左丞相兼侍中左副同名賽里

元帥封蕭王

攻異苗耀神麓記云封楚國公

賜鐵券賞賚有加

海陵天德二年春正月乙巳出秉德領行臺尙書省

事因烏達譖之也時秉德方在告限十日發行會海

陵欲除太宗諸子并除秉德以秉德首謀廢立及弑

熙宗不卽勸進銜之烏達因言秉德與宗本謀反有

狀曰昨會宗本家海州刺史子忠

攷異繫年要錄作烏爾衮

言其

貌類趙太祖秉德笑受其言且謂歷數有歸其妻嘗

指斥主上語皆不順遣使就行臺殺之秉德以口語

致怨旣死并殺其弟圖哩

原作特里

嘉哩

原作紉里攷異海陵紀又作紉

里罕汪輝祖金史同名錄云卷三太祖紀遼都統卷

七十四太宗時都統三人同名紉里又宗室表載秉

德弟色克原作斜哥勸農副使

而未列圖哩嘉哩名與傳互異及宗翰子孫死者三

十餘人宗翰之後遂絕世宗立追復秉德官爵贈儀

同詔以明安穆昆還薩哈

原作撒改

曾孫佛門

原作盆買

遣使

改葬家產給近親奉祠同時與秉德首謀廢立者曰

唐古辯

熙宗皇統八年夏六月乙卯以都點檢唐古辯爲尙

書左丞唐古辯本名翁鄂羅

原作幹骨刺攷異薛應旂通鑑作唐括辯

尙

熙宗女代國公主爲駙馬都尉至是由參政拜左丞

秋七月戊寅以左丞唐古辯奉職不謹杖之九月

唐古辯罷

九年春二月甲寅會寧牧唐古辯復爲尙書左丞

冬十二月丁巳唐古辯與秉德等弒熙宗初秉德等

謀廢立而烏達以語海陵海陵謂辯曰若行大事誰

可立者辯曰無乃胙王常勝乎問其次曰鄧王子阿

林攷異錢大昕云一作阿懶鄧王父名海陵曰阿林

宗傑景宣同母弟故辯以爲當立

屬疎安得立

辯曰公豈有意耶海陵曰若不得已舍

我其誰遂旦夕相與密謀護衛塔斯疑之告悼后后

語熙宗熙宗怒責之逆謀益甚十二月九日海陵乘

德等會辯家至夜辯等以刀藏衣下隨入宮門者以

辯駙馬不疑皆納之遂弑熙宗立海陵辯爲尙書右

丞相兼中書令封王賜錢絹及鐵券進左丞相辯爲

海陵謀逆海陵深忌其忤忍嘗與觀太祖畫像謂其

眼相似彼此均色動尋用蕭裕計坐與宗本謀反誅

父重國官東平尹奪職復起防禦使大定間以政績

聞終橫海軍節度使

同黨烏達

攻異滿洲語置也原作烏帶今譯改復改

部尚書按卽

舊益溫敦兀帶傳在卷八十四亦作幹

帶另一人汪輝祖

金史同名列云卷八十一溫迪罕

蒲里特傳其子

武功將軍卷一百三十三窩幹傳大

定二年咸平路

總管三人同名兀帶又卷一世紀穆

宗時副都統卷

四熙宗紀天眷二年捷懶子卷七十

一婆廬火傳其

孫廣威將軍四人同名幹帶金史國

語解云凡市物

已得曰兀帶取以名子阿里布原作

者猶言貨取如

物然也兀帶卽武遠

補子也

攻異宗室表阿里布系出景祖行臺右丞相

與尹烏達布子

烏頁布筆硯祇候阿里熙宗時官大

布次子方簽書

樞密藁穆昆所載甚詳

理卿當秉德謀

廢立烏達知之告海陵遂與俱弑熙

宗海陵立爲平

章政事封許國王烏達妻唐古氏淫

宗海陵立爲平

章政事封許國王烏達妻唐古氏淫

宗海陵立爲平

章政事封許國王烏達妻唐古氏淫

宗海陵立爲平

章政事封許國王烏達妻唐古氏淫

供嘗與海陵通又私其家奴閭乞兒秉德面斥之遂

誣奏秉德欲立葛王海陵出秉德遂殺之以秉德世

襲明安穆昆并家產授烏達進司空左丞相兼侍中

尋以事出為節度使使其妻唐古氏殺之而納為貴

妃子烏達布原作烏答補亦作兀答補攷異卷八十八移刺道傳太宗時磁州刺史兀答補

人另一終同知大興尹大興國攷異大金國志作興國奴本宋內侍為金

虜事熙宗為寢殿實達爾原作小底權近侍局直長最見

親信未嘗去左右海陵生日熙宗使興國賜珍玩悼

后亦以物附賜事聞杖興國一百海陵因使李老僧

說興國舉大事欣然許之乃約期起事興國取符鑰

開門矯詔召海陵等入熙宗嘗置佩刀御榻上興國

先取拔榻下亂作熙宗索佩刀不得遂被弑海陵卽

位以爲廣寧尹賜與如其黨尋改崇義軍卽義州遼宜州也縣

二節度使賜名邦基大定間詔磔於思陵之側圖

克坦額埒楚克原作徒單會寧人徙懿州父巴噶原作

改官興中尹與宗幹世爲姻家皇統末與布薩呼圖

俱爲護衛十人長海陵告以逆謀許以女妻其子遂

與布薩呼圖直禁中約期入宮至寢殿額埒楚克先

進刃呼圖繼之熙宗仆海陵復刃之血濺其面及衣

海陵立累官太原尹封王其子珠蘇爾尙榮國公主

和尼原作合女爲駙馬都尉額埒楚克後坐謀反誅并殺

其妻命其子焚屍投骨水中攻異劉樞傳字居中三

奉直大夫張浩營建燕京宮室遣樞治工役遷工部

員外郎鞠治太原尹額埒楚克反狀旬日具獄歷工

部侍郎卒官中都路轉運使父巴噶後歷官工部尙書濟南尹卒

布薩呼圖攻異薛應旂通鑑作僕散忽土亦作烏

大定十七年兵部郎中卷八十二光英傳咸平路猛

安卷九十二克賓傳熙宗悼后弟均姓陀滿氏卷一

百十六石蓋女魯歡傳正大九年改名思恭上京人

權元帥亦作胡土六人同名忽土本微賤宗幹常周恤之十二月九日直宿海陵因之

入宮至寢殿熙宗聞步履聲咄之衆皆卻呼圖曰事

至此不進得乎乃相與排闥入旣弑熙宗秉德尙未

有所屬呼圖因奉海陵坐眾前稱萬歲并使殺曹國

王宗敏累官右丞相太尉樞密使封王後使討契丹

薩巴不克族滅之本傳思恭臨刑繩枚室口不能言但舉首視天日而已圖

克坦貞本名塔斯原作特思攷異亦作特厮卷八十一滿察胡蓋傳父謀克特厮另一

人贈司徒博勒和原作婆盧火子也其妻為海陵同母女

弟亦與逆謀歷官都點檢封王遷樞密副使擢御史

大夫左監軍從侵宋大定間改太原尹後伏誅及其

妻與二子慎思實祿原作十六而宥其諸孫其女為章宗

母章宗立尊為皇太后追贈貞等有差攷異王脩傳章宗改葬貞

欲用前代故事班劍羽葆宰臣以貞與我熙宗意難之下禮官議脩時為禮部尚書兼大理卿上言晉葬

王導有之唐以下王公鹵簿并無班劍兼羽葆非臣下所宜用上弗從性剛直臨事果決吏民憚其威雖豪右不敢犯卒一作羅卜藏李老僧一作羅卜藏舊爲將軍司

書吏與大興國有親素相厚海陵將舉事使老僧結

興國逆謀成海陵立遷同知廣寧尹使察韓王亨罪

意遲回黜爲易州刺史後賜名惟忠一作維忠改延安尹

同知大定初坐與兵部尙書克實謀反誅又有高懷

貞者由令史累遷禮部侍郎海陵以近屬爲宰相專

威福柄遂成弑逆之計皆懷貞輩小人慫慂導之大

定二年放歸田里後起爲定國軍地理志云卽同州縣九後改今名

節度使

金史紀事本末卷二十二

金史紀事本末卷二十三

賜封資政大夫特賞內閣中書前江西峽江訓導萍鄉李有棠編纂

海陵淫暴

熙宗皇統九年

十二月海陵篡立
改爲天德元年

冬十二月丁巳平

章政事亮弒其君亶而自立亮字元功本諱都古魯

訥

原作迪古乃攷異大金
國志云幼名李烈漢

遼王宗幹

原作
幹本

次子也

攷異

乃太祖庶長子錄誤以宗幹爲宗翰且係宗幹次子

稱元子亦母大氏天輔六年壬寅歲生天眷三年以

奉國上將軍赴宗弼軍前任使拜行軍萬戶擢中京

留守爲人僇急多殘忍猜忌任數

攷異大金國志云
好讀書外寬和而

金史紀事本末

卷二十三

十一

城府深密人莫測其際矯飾
盜名包藏禍心所載較詳

初熙宗以太祖嫡孫嗣

位而已亦太祖孫遂懷覬覦在中京專務立威明安
蕭裕傾險敢決亮結納之因勸舉大事語在蕭裕亂
政事中皇統七年五月詔判太宗正事進平章政事
攬權植黨引蕭裕爲兵部侍郎等由平章擢右丞相
兼都元帥先是因召對熙宗語及太祖創業艱難亮
嗚咽流涕信爲忠嗣使大興國賜亮生日悼后亦附
賜熙宗怒奪還由此不自安加太保領三省事復坐
張鈞事出領行臺過中京與蕭裕定約至良鄉召還
爲平章政事用是益危迫會右丞相秉德左丞唐古

辯因被杖謀廢立烏達語亮亮因與相結并使李老

僧約寢殿寶達爾

原作小底

大興國護衛十人長圖克坦

額勒楚克

原作徒單阿

布薩呼圖

原作僕散忽土

等舉大事熙

宗被弑呼圖倡言奉亮坐皆拜稱萬歲遂殺左丞相

宗賢曹國王宗敏乃卽位以秉德爲左丞相唐古辯

爲右丞相烏達爲平章政事餘爵賞有差召秉德等

六人誓太祖廟賜鐵券及錢絹牲畜追諡皇考爲睿

明皇帝廟號德宗

攷異繫年要錄云興國努傳旨欽取侍衛弓刀揮出殿門詐召大臣

沂王宗賢入宮爲所害

宗敏繼至縊殺之交聘表云

時宋賀正旦使至廣寧遣人諭以廢立遣還按宋賀

正使副太常少卿張杞和州團練使趙述而賀生辰

使副司農卿湯鵬舉吉州刺史石靖同時遣還表未

金史紀事本末

卷二十三

二

具書耳見錢大昕潛研堂集熊克小紀云鵬舉奏見
彼國接伴使言新主亮登位見報諸國乃下詔排辦
准備有司奏每年金賀正旦使到闕相見日依五禮
新儀設黃麾角仗千五十六人將來使到乞依新儀
從之

海陵天德二年春正月癸巳尊嫡母圖克坦

原作氏

母大氏皆爲皇太后

攷異畢沅續通鑑云宗幹初納宗雄妻與海陵不相能及篡位

囚於府第并其子及宗雄孫七人殺而焚之棄其首於濠水紀未載

以蕭裕爲祕書

監出秉德領行臺尙書省事二月戊辰以唐古辯爲

左丞相烏達爲右丞相三月丙戌以弟充爲司徒兼

都元帥

攷異沈炳震廿一史四譜海陵朝宰輔領三省事者爲完顏充徒單恭耨盃溫敦思忠大

吳丞相則唐括辨烏帶劉筈完顏昂蕭裕張浩僕散思恭蕭玉蔡松年平章則宗義李德固張通古張暉

左右丞則李極劉麟張中孚劉萼蕭蹟
耶律安禮良弼劉長言李通均見本紀

夏四月戊

午殺太傅領三省事宗本

本名阿魯

左丞相唐古辯

判大宗正事宗美

原作呼爾察攷異薛應旂通鑑作胡里甲

遣使殺領行

臺事秉德東京留守宗懿

攷異續綱目作阿林薛應旂通鑑作阿隣

北京

留守卞

本名克實攷異續綱目作呼拉布薛應旂通鑑作斛祿補

及太宗子孫七

十餘人宗翰子孫三十餘人諸宗室五十餘人 辛

酉以尙書省譯史蕭玉爲禮部尙書蕭裕進尙書左

丞烏達加司空左丞相溫都思忠

本名伊里右攷異本傳溫都作諾延

云原作耨盃溫敦而百官志耨盃與溫敦作二姓乃熙宗海陵二紀又稱溫都未知孰是國語解云溫敦卽武圖又是時烏林答贊謨爲行臺參政惡思忠貪黷贊謨妻秉德乳母也思忠因構贊謨殺之贊謨卽

贊謀見思忠傳思忠阿爾薩水人太祖伐遼時無文
字諸將軍事皆口授思忠面奏受詔傳致雖往復數
千言無少誤遼議和皆思忠與贊謀往來專對累官
尚書令封廣平郡王海陵用其語殺贊謀世宗時詔
復贊謨官爵且謂宰臣曰贊謨忠實剛毅思忠與有
隙語殺之今思忠子孫皆不肖亦陰報也初思忠構
殺贊謨納其妻曹氏及財產之半章宗時因其女五
十九言詔還之續通考云正隆例降封異姓惟思忠
封廣平郡王賜玉帶按金設樞密院其爲上下所倚
任者名奏事官其目有三一日承受聖旨二日奏事
謂事有區處當取奏裁三日省院議事昏默記之退
爲檢目皆以一人主之大中白華嘗居此職云所載
其爲平章政事劉筈爲右丞相布薩呼圖爲殿前都
點檢秋七月己丑烏達罷以思忠爲左丞相蕭裕爲
平章政事九月甲午立惠妃圖克坦氏爲后攻異后妃
傳海陵善飾詐妾勝初不過三數人及卽位逞欲無
厭後宮諸妃十二位餘難舉數后由岐國妃正位中

宮南侵時后與大子光英居守光英為圖們額哩頁
所殺后歸母家卒於上京續通考云世宗憐其無依
詔歸父母家歲賜錢二千貫奴婢皆給官廩大定十
年卒而北盟會編云后為徒姑丹氏亮被弑遣驛使
殺之繫年要錄云張浩害太子元
英及后圖克坦氏皆傳聞之誤
冬十月辛未殺

太皇太妃蕭氏係太妃及其子任王威赫遣使殺左副

元帥薩里罕原作撒离喝改異繫年要錄云於汴并

殺平章政事宗義原作博濟前工部尚書穆里延原作

謀里野景祖孫們圖瑁次御史大夫宗安皆夷其族

因令史約索原作遙設誣其謀反也以魏王威泰改異續

威台通鑑輯覽作舊作活里甲孫呼爾察亦作呼爾吉好修飾亦

族之十二月己未罷行臺尚書省改都元帥府為

樞密院以都元帥充爲樞密使太尉領三省事如故

右副元帥大臬爲右丞相左監軍昂爲樞密副使

異攷

后妃傳是年使禮部侍郎蕭拱取耶律氏女密時於
汴以非處女出之賜拱死以其妻賜實格之夫文復
召入宮亂之密時尋召入封柔妃續通考云是年正
月甲辰日有暈珥白虹貫之十一月丙戌復然九月
乙亥太白晝見至明年正月辛卯後不見五行志是
年十二月乙卯慶雲見狀如鸞鳳五彩明年正月丁
酉白虹貫日所載各判紀未書

三年春三月壬辰詔廣燕京建宮室

攷異大金國志云時右丞相梁

漢臣兵部侍郎何卜年俱勸遷都從之續綱目云命
左丞相張浩右丞相張通古等調諸路夫匠營燕京
宮室一依汴京制度運一木之費至二十萬牽一車
之力至五百人宮殿徧傳黃金間以五綵金屑飛空
如落雪一殿之費以億萬計成而復毀務極華麗所
載較詳但海陵紀右丞相無梁漢臣名張浩時爲尙

書右丞亦非左丞相畢沅續通鑑謂副張浩者爲蔡
松年又異金圖經云浩等按圖修繕宮室城四圍凡
九里三十步自天津橋北日宣陽門門分三中繪一
龍兩偏繪鳳用金鍍銀實之中門惟車駕出入兩邊
分雙隻日開東爲太廟西爲尙書省通天門觀高八
丈朱門五節以金釘又設左右掖門南城正東日宣
華正西日玉華北日拱辰內殿九重殿三十有六
門間倍之中日皇帝正位後日皇太后正位東日內省
西日十六位爲妃嬪居西出玉華門爲同樂園瑤池
蓮瀛杏林盡在是范成大攬轡錄云亮建燕都規摹
出孔彥舟役夫百二十萬作治數年死者無數宮中
屏展牕牖皆汴宮故物汴匠燕用製作工巧所造皆
刻其名今用於燕其兆先見析津志云金築燕城用
涿州土人置一筐左右手排立定自涿至燕傳遞空
筐出實筐入人止一番不日成之材木則取之眞定
府澤園王憚玉堂嘉話云天眷三年析津放第於廣
陽門西一僧寺門上唱名至遷都後命宣陽門上唱
名遂爲定例許亢宗奉使行程錄云燕城周圍二十
七里樓臺高四丈樓計九百一十座池塹三重開入
門至天德三年展築南城三里國志所引蔡珪大覺

金史紀事本末

卷二十三

五

寺碑合計周三十里并外郭共周七十五里城門十
二其標題皆禮部尚書王競士林推重盧彥倫傳臨
潢人時官大名尹奉詔夏四月丙午詔遷都燕京
營燕京宮室紀未載
繫年要錄載詔畧曰昨因綏撫南服分置行臺時則
邊防未甯法令未具本非永計亦是從權旣而人拘
道路之遙事有歲時之滯凡申款而待報乃欲速而
愈遲今旣庶政惟和四方無侮用並尙書之亞省會
歸權政於朝廷又以京師粵在一隅而分疆廣於萬
里以北則民清而事簡以南則地遠而事繁深慮州
府申陳或至半年而往復閭閻疾苦何由期月而周
知供饋困於轉輸使命苦於驛頓未可時巡於四表
莫如經營於兩都眷惟全燕實爲要會將因宮廟而
創官府之署廣阡陌以展西南之城勿憚暫時之艱
以就得中之制所貴兩京一體保宗社於萬年四海
一家安黎元於九府咨爾中外體予至懷但繫之歲
末與史異安塔哈傳一名鄂勒歡宗雄次子性端重
時判大宗正將遷中都諫曰棄祖宗興王之地而他
徙非義也海陵下悅留之上京
大定間封金源郡王紀未載

五月壬子宰臣請

益嬪御廣嗣續攷異續通考云金制元妃貴如淑妃

容修儀修媛充儀充容充媛曰九嬪正二品婕妤修

三品美人正四品才人正五品各九員曰二十七命

婦寶林正六品御女正七品秀女正八品各二十七

員曰八十一御妻貞祐後貴妃下有真妃淑妃下有

麗妃柔妃而無德妃賢妃復有尙宮夫人欽聖夫人

資明夫人均正五品其宮闈歲給太后太妃宮各錢

二千萬綵二百段絹三千匹綿五千兩妃歲給錢千萬

綵百段絹三百匹綿三千兩嬪下遞減又金代后不

娶甥舅之家有周姬命圖克坦貞詔宰臣前所錄黨

齊姜之義所載甚詳人諸婦女中多朕中表親欲納之宮中蕭裕諫不從

遂納宗本子蘇爾圖原作莎宗固攷異續綱子呼喇

勒原作胡里刺攷異續綱目作蘇喇勒和碩打原作

打攷異續綱目作蘇喇勒和碩打原作

目作和碩台秉德弟嘉哩妻宮中后妃傳嘉哩妻高

金史紀事本末卷二十三

事訴遣
出之

六月丙子殺太府監完顏富魯

原作馮六

冬十

月己巳殺蘭子山明安蕭拱十二月戊辰杖壽甯縣

主蘇尼

原作徐輦

是歲子崇王元壽卒

攷異續通考云是年始制國子

監定詞賦經義生百人小學生百人又算學凡司天臺學生女直二十六人漢五十人醫學凡十科大興府學生三十人餘京府同散府遞減太宗時未盡闢為歸德節度時宋州舊無學暉建學舍課生徒復其身此為州府設學之始世宗大定中詔京府設學養士凡十七處共千人章宗時復增置府州學舍以進士官提控紀均未載

四年夏六月戊寅權超台

原作楚底

部明安納延伏誅

秋七月癸卯命崇義節度使烏達妻唐古定格

原作定哥

攷異續綱目作鼎格汪輝祖金史同名錄云卷五海陵天德四年徒單恭兄卷一百十八胡天作傳天作

子奉職三人同名定哥殺其夫而納之九月甲午次中京丙

午殺太府少監劉景冬十月甲申殺太祖長公主烏

嚕杖其夫平章圖克坦恭恭兄定格初尙烏嚕定格

死恭強納焉而不相能又與侍婢呼達原作忽撻攷

史同名錄云卷一百二十裴滿達傳本名太尉徐王亦作忽達又作胡撻二人同名忽撻不協呼

達得幸於后遂譖殺之而并罷恭封呼達爲國夫人

十一月辛丑買珠於烏爾古德喀勒原作烏爾古迪烈部及

扶餘攷異畢沅續通鑑作富楚云原作蒲與路禁私相貿易仍調兩路

民採珠一年地理志云扶餘路初置萬戶海陵改置節度烏爾古德喀勒爲招討司兩路相

近南至上京六百七十里北至北邊界十二月甲

世宗紀大定十九年始罷東北路採珠

子斬妄人敲仙於中京市

政異續綱目云是年亮召

至良鄉得間自殺薛應旂通鑑作烏林答氏卽世宗妻後諡昭德皇后世宗終身不別立后蔣一葵長安客話云自殺在良鄉之固節驛以縣得名如聞其名曰我得死所矣李嘉賓題驛詩云往金跨中原南渡轉炎精海陵滅三綱醜類禽獸行殺夫納其婦節義漸以傾貞哉葛王如挺挺女中英被召欲不往夫禍與之并辭王隨使去庶使全王生行矣死傳舍而不墜初盟烏嚙得再世衆推帝東京江上斃兇逆境內樂昇平人稱小堯舜實延完顏昉燕山有佳色燕水有餘清山青節不朽水遠流芳聲乾坤氣磊落驛名永以旌按世宗次室張氏元徵女進封元妃三李氏丞相石女生衛王薨葬海王莊衛王立追諡光獻后見后妃傳

貞元元年春二月庚申幸燕京三月辛卯至初備法

駕

政異續通考云金初得遼儀物克汴始有車輅之制熙宗幸燕始用法駕世宗有事南郊命太常寺

倣宋鹵簿造之缺金輅玉輅可見者象輅革輅木輅
耕根車皮軒車進賢車明遠車白鷺車羊車革車大
輦凡十有一又七寶輦飾以玉裙綳七寶滴子用真
珠宋欽宗爲上皇製海陵自汴取用之至行仗則有
法駕大駕黃麾仗凡行幸及郊廟祀享則用之其常
行儀衛宮中導從大抵依宋制增損之熙宗用法駕
凡士卒萬四千五百六十八人馬六千七百八十八匹海陵初
祀廟用黃麾仗四千八百八十八人馬三千九百六十八匹
馬三千九百六十八人馬三千九百六十八人馬三千九百六十八人
足者公服世宗時祇用三千人郊祀用大駕七千人
先是行幸皆役民執仗始易以軍士章宗朝南郊用
人二萬一千二百一十八馬八千一百九十八又遇
大禮大朝會有內外立仗海陵時用三千人大定
後遷減其數其冊太子用黃麾半仗所載甚詳

寅選良家子百三十人充後宮乙卯以遷都詔中外

改元

攷異張棟金誌云大赦境內然亮詔未肆赦誌

稽師言肇遷都邑通嚴宗廟之奉通相宮以燕京爲

室之宜遂正畿封以作民極云云紀未載

中都汴京爲南京中京爲北京

攷異地理志云貞元

國名不當爲京師號遂改名聖都等改中都大

志云天德四年冬燕京新宮成自會寧府遷都之貞

元元年正月元夕張燈宴羣臣賦詩縱飲而罷與紉

異花外東風閣日記云元世祖以燕京然史思明已

祿山已先稱之矣濼雪偶談云陶潛詠荆卿詩云提劍出燕

先稱之矣濼雪偶談云陶潛詠荆卿詩云提劍出燕

京蓋燕之名京久矣按史記云燕亦渤海之問一都

會也南通齊趙東北邊上谷至遼東北隣烏桓夫餘

東綰濊貊朝鮮桓寬鹽鐵論云燕之涿薊富冠海內

爲天下名都河圖括地象云燕郤背沙漠進臨易水

西至軍都東至遼長蛇帶塞險陸相乘也唐六典云

東至於海南迫於河西距太行北通榆關雁門新唐

書杜牧傳云舜分冀州爲幽并程其水土與河南等

常重十三自黃帝後帝王多居其地朱子語類云冀

都山脈從雲中發來前則黃河環繞泰山聳左爲龍

華山聳右爲虎嵩爲前案淮南諸山爲第二重案江

南五嶺爲第三重案故建都莫過於冀所謂無風以

散之有水以界之地惟葉子奇草木子云元劉太保

元京北城取居庸關水入城冀稍潤其土然不及百年禍變亦作豈地數有限而致然耶均見日下舊聞

丙辰以圖克坦恭為太保領三省事蕭裕為左

丞相張浩

本傳本姓高東明王後渤海人第進士歷

事卒官太師尚書令南陽郡王諡文康子汝霖官平

章茂國公諡文襄攷異元好問中州集汝霖字仲澤

封莘國公弟汝為字仲宣河北轉運使汝霖仕不達

皆進士汝方字仲賢汝猷字仲謀均宜徽使父子兄

弟皆有詩傳於世外孫為王子端內翰汝霖春溪詩

云黯黯春愁底處銷小桃無語半含嬌東風不管前

溪水暖綠溶溶張通古為平章攷事戊寅皇太后大

洛拍畫橋

氏崩

攷異續通考云四月太后崩詔尚書省應隨朝

始禁樂一月外路一日方治事中都自四月十九日為

夏五月

辛卯殺弟西京留守博怡

原作及完顏穆刺幹

原作謨盧

瓦等

博怡傳本名富勒堅坐事出為西京留守海陵

敬德且召日者問休咎家奴哈里上變

乙卯以京

城隙地賜朝官及衛士等徵錢有差冬十月丁巳獵

於良鄉封料石岡神為靈應王以嘗禱此祠得吉卜

也

攷異方輿紀要云地在縣治東三里岡有古城五

考云古城址已廢料亦作燥佛塔今尚存牛象坤良

鄉縣志云塔高十五丈唐尉遲敬德修蔣一葵長安

客話云良鄉縣南有琉璃河自房山龍泉峪流至霸

州入拒馬河又胡良河自房山經涿州入此河舊有

橋旁有一鐵竿長數丈蓋鎮壓物俗謂王彥章謬范

成大石湖集琉璃河又名劉李河路振乘輶錄同宋

敏求入蕃錄謂為六里河桑欽水經云聖水出上谷

孫汝澄日即琉璃河見孫國枚燕都游覽志鄧道元

水經注云聖水自涿縣東與挑水合首受涑水於徐

城東南良鄉西分洹水世呼南涉溝即杭水亦名者

亢水高士奇扈從西巡日錄云琉璃河王曾奉使錄
作劉李河蓋劉李二姓人居之大房山孔水入焉石
橋巨麗會典謂自磁家務發源潛流地中至良鄉東
入潭河寶坻縣志云縣城東街有大覺寺遼重熙年
建相傳寺內有古鐘係東海浮來見曹學佺名勝志
附錄金張瓚大覺寺記云下管院在新倉木南始遼
重熙間老僧常住建彌陀佛舍後跌坐而化火之不
灰夏臘七十餘其徒二人以師像立於佛側已而髮
再生盈月則削為女子所汚而止二僧傳其法度沙
門五人志普志言志名志遠志月自是佛宮日廣建
毘盧殿等更為十方院遠之天慶六年也其後又建
彌陀殿與兩廡及藏經之所又治鐘既成將建樓而
主僧行超遇疾以貞元初年十二月逝僧善和主寺
建宰堵以葬其師又建內經一藏漆函金飾工制瑰
瑋刻毘盧壇覆以毳幕珠纓寶幟文采燦然又建東
堂及鐘樓開圓鑿井孰垣一周於是僧徒伐貞石屬
西來客張瓚書其事瓚為孔氏學若浮屠非夙所嗜
見和師不忘祖功有足嘉者於是乎書見寶坻舊志

十二月戊午賜貴妃唐古定格家奴孫梅進士及

第定格尋坐與舊奴閭乞兒

致異汪輝祖金史同名錄云卷四十四兵志天

興時金昌府虎威都尉苑石烈氏卷一百三

十二執中傳至寧元年護衛三人同名乞兒姦賜死

乞兒及比邱尼三人皆伏誅

致異后妃傳定格妹實格為祕書監文妻海陵

私之而納於宮中召文至便殿使實格穢談戲文封

以為笑定格死出之後復召為修容進麗妃紀未載封

侍婢貴格莘國夫人封所納皇叔曹國王宗敏妃阿

蘭為昭如閏月乙酉朔殺護衛特默格

原作特

二年春正月甲寅朔帝有疾不視朝右丞相蕭裕與

前真定尹蕭豐家努

原作馮家奴

等謀反伏誅二月甲申

朔以張浩為右丞相兼中書令蕭玉為平章政事張

暉為尚書右丞

夏五月丁丑太原尹圖克坦額呼

楚克伏誅

秋九月己未常武殿擊鞠令百姓縱觀

禮志云金因遼舊俗行拜天禮重午於鞠場中元於
內殿重九於都城外其制刻木為盤如舟狀赤為質
畫雲鶴文為架高五六尺置盤其上薦食物於中聚
宗族拜之若至尊則於常武殿築臺為拜天所又重
午日插柳毬場為兩行當射者以尊卑序各以帕識
其枝去地約數寸削其皮而白之先以一人馳馬前
導後馳馬以無羽橫鏃箭射之既斷柳又以手接而
馳去者為上斷而不能接者為次之或斷其青處又
中而不能斷與不能中者為負每射必伐鼓以助其
氣已而擊毬各乘馬持鞠杖長數尺其端如偃月分
其眾為兩隊共爭擊一毬先於毬場南立雙桓置板
下開一孔為門而加網為囊能奪得毬擊入網囊者
為勝毬狀如小拳以輕鞞木枒其中而朱之按常武
殿與廣武殿本擊毬習射之處攷異宏簡錄云是月
次順州還宮時以頓次需索民間一冬十月庚辰朔
鵝售用數萬以一牛易一鵝紀未載

殺廣寧尹韓王亨

宗弼子也

十一月戊辰帝命諸從姊

妹皆分屬諸妃出入禁中與爲淫亂臥內偏設地衣

裸逐爲戲

攷異后妃傳壽寧縣主實庫宗望女靜樂縣主布拉及錫納宗弼女實古爾宗雋女

皆從姊妹混同郡君蘇喀和卓及其妹伊都宗本女爲再從姊妹混同郡君蘇喀和卓及其母大氏表兄張定安妻鼎喇古麗妃妹富魯和卓皆有夫惟實庫喪夫海陵無所忌恥使高實古訥格阿古等傳達言語皆私之惟錫納及蘇喀和卓最寵恃勢咎決其夫几宮人有夫者皆遣往上京常令教坊番直禁中每幸婦人必使奏樂撤其幃帳或使人說淫穢語於其前幸室女不得遂使元妃以手左右之妃嬪列坐率意淫亂或令人效其形狀以爲笑樂所載較詳按銀

十二

月乙酉以溫都思忠爲太師領三省事如故

三年春正月辛酉以大臬爲太傅領三省事二月壬午以昂爲太尉樞密使張浩爲左丞相布薩思恭爲

右丞相三月壬子杖張浩及平章張暉攷異畢沅續通鑑云時磁

州僧法寶欲去浩暉欲留之主責之曰聞卿等到寺

法寶正坐卿等側坐失大臣體杖各二十法寶懼甚

杖二百紀末言留法夏四月丁丑朔昏霧四塞日

寶及法寶懼稍異無光凡十有七日五月七日南京大內火六月丙

戌命布薩思恭等如上京奉遷太祖太宗梓宮至大

房山山陵攷異方輿紀要云山在房山縣西十五里

年要錄云金初無陵寢但葬於護國林至是始改卜

遷於良鄉縣西之大洪山佛寺金圖經云亮令司天

臺於良鄉縣西五十里大紅山西大紅谷曰龍銜寺

峯巒秀拔其寺改葬祖父於寺基之上將正殿元

位佛像攷異穴奉安太祖太宗德宗餘隨昭穆序焉大

紅谷國志作大洪谷龍銜寺作龍城寺惟熙宗葬山

陰海陵紀大房山行宮名磐甯正隆元年二月庚子

謁山陵七月己酉命太保昂如上京奉遷始祖以下

梓宮十月乙酉葬始祖以下十帝於大房山閏月己亥朔山陵禮成大定二十一年封大房山神爲保陵公冊曰古之建邦設都必有名山大川以爲形勝我國家既定鼎於燕西顧郊圻巍然大房秀拔渾厚雲雨之所出萬民之所瞻祖宗陵寢於是焉依仰惟嶽鎮古有秩序皆載祀典矧茲大事禮可闕歟其爵號服章俾列於侯伯之上庶足以稱今遣官備物冊命爲保陵公勅有司歲時奉祀并禁樵采毋置萬甯縣明昌初改奉先元至元中改爲房山縣本良鄉之昌黎里見朱彝尊曰下舊聞劉靜修集有過奉先縣詩及迎皇太后圖克坦氏秋七月辛酉如大房山杖提舉營造官吏部尙書耶律安禮等九月丁卯帝迎梓宮及太后於沙流河命持杖二束蹠太后前請答之太后撫慰而罷十月丙子太后至中都居壽康宮按志云正北列三門中曰粹十一月戊申山陵禮成十英爲壽康宮母后所居也

二月乙未帝朝太后於壽康宮 己亥太傅領三省

事大吳卒帝親臨哭命有司廢務及禁樂三日

致異畢沅

續通鑑作大托卜嘉云降金從伐遼侵宋屢有功歷行臺右丞相構陷完顏果得主意擢用之卒贈太師

晉國王諡傑

忠見卷六

正隆元年春正月己酉羣臣上尊號帝自九月廢朝

常數月不出有急奏召左右司郎中省於臥內庚戌

始視朝

政異續通考云二月遣刑部尙書范石烈婁

係官或荒閒牧地及官民占射逃絕戶地戍兵占佃

宮籍監外路官本業外增置土田及大興府平州路

僧尼道士女冠等地盡以授所遷之猛安

夏五月

辛亥修容安氏閣女御爲妖所憑舞譟宮中命殺之

攻異后妃傳凡坐中有嬪御海陵擲一物於地使近侍環視他視者殺男子於妃嬪位舉首者刈其日便旋須四人偕往所司執刀監護不由路者斬之日入下階者死告者賞錢二百萬男女悞相觸先言者賞三品官後言者死齊言者皆釋之女使闕拉有孕海陵欲幸之以麝香水躬自揉拉其腹竟墮其胎按是時被罪死者甚多

史蓋不勝書耳 是月頒行正隆官制 六月庚辰天水郡公趙桓薨

合為騎兵踐踏死且作六年事嚴冬友謂當從文道紀年紀畧作為海陵所害庶於宋稗類抄云獻陵北

為偽書不足信今從之潘永因宋稗類抄云獻陵北符不還任元受時為下僚率中原摺紳為位佛宮作

疏哀之日時巡萬里羣心久阻於望覓歲閱三星仙蹕俄遷於奔電悲纏率土冤薄層空臣等跡忝簪纓

心增茶蓼從君以出始慚晉國之亡臣御主而還終愧趙家之養卒攀號笑及摧隕何窮嘗聞無罪而殺

一夫尚復有辭而額上帝矧茲二載喪我兩君義不戴天叩九閭而靡懇禮應投地希十力之可憑爰竭

上哲之誠仰千龍象之馭恭惟孝慈淵聖皇帝夙膺
若生已深露蓋之嗟更割軼車之慘遺弓安在憑几
莫閱萬乘墨縵將禦徐戎之難六軍縞素咸聲義帝
之冤自憐草野之踪莫効涓埃之報惟依妙果式佐
神游伏願法證三乘趣超十地如天子名為善寂萬
有皆空猶世尊身入涅槃一真不壞兜離響滅恒聞
梵唄之潮音區脫塵空來印寶華之法會然後神明
助順中外謀全載木主以徂征誓修幽壤之怨奉梓
宮而旋步冀慰在天之靈按任名盡言著小醺集楊
誠齋序檜沒後高宗除湯鵬舉為侍御史以啟賀公
論大申浚作都督辟入幕以養母力辭岳珂程史云
徽宗上賓淵聖方身縻異境高景山初以計聞任元
受作疏文以奠於郡國禮制之外因心薦嚴雖前無
此比亦不失臣子盡誠之誼文係二篇且於憑几莫
聞下接云熏修唯藉於佛乘升濟或資於仙駕恭願
神游超越睿識圓明區脫塵空來印寶華之法會兜
高響滅常聞金鼓之妙音更冀大覺垂慈三靈協佑
護持正法隆世祖中興之功摧伏諸魔雪懷王不返
之怨二日仙馭賓空載嚴遐駕法筵撤席更罄餘哀

恭惟大行孝慈淵聖皇帝蹈千仞之淵永脫羣生之塗炭皇天降割裔土告終以後始接萬乘墨纁等句餘字句間

冬十月庚寅杖右丞相蕭玉左丞蔡松

年右丞耶律安禮御史中丞馬諷等

安禮傳本名納罕系出約尼氏

歷樞副左丞封溫國公鞫宗弼子韓王亨獄奏無反狀及議降累朝功臣封爵諫南侵忤旨罷爲南京留守致仕卒諷字良弼鄆陰人攷異續通考云正隆元年麗迪爲鳳翔尹時興師南侵征斂煩急官吏因緣爲姦富者賄免貧者破產迪悉召民使共議增減不假威督而役力均人情大悅紀未載

二年春二月癸卯詔削降封爵命公私文書但有王

爵字者立限毀抹雖墳墓碑誌並發而毀之冬十月

壬寅命會寧府毀舊宮殿諸大族第宅及儲慶寺仍

夷其址而耕種之丁未禁賣古器入他境乙卯初鑄

銅錢

攷異續通考云正隆二年十月以議鼓鑄禁銅

京兆

越外路悉輸中都三年二月中都置錢監二東日

寶源

西日寶豐京兆置監一日利用文日正隆通寶

輕重

如宋小平錢而內好字文峻

整週

之與舊錢通用所載較詳

三年春正月丙寅子舒蘇鄂博

原作矧思阿不

死殺大醫副

使謝友正及其乳母等己卯杖右諫議大夫楊伯雄

本傳生實達爾東勝家保養之卦其母唐古氏為柔

妃死後追封宿王伯雄竊議其不宜養於宮外被杖

字希雲藁城人忠實敢言仕至禮部尙書海陵嘗登

瑞雲棲納涼命伯雄賦詩句云六月不知蒸鬱到清

涼會與萬方同海陵日伯雄出語不忘規戒人臣當

如是矣除定武節度改平陽尹徙河中卒諡莊獻顯

宗在東宮時伯雄為少詹事集古太子賢不肖為書

進之弟伯仁字安道第進士官翰林學士禮部侍郎

文詞

秋七月甲申以耶律安禮為尙書左丞進參

典麗

金史紀事本末

卷二十三

五

政赫舍哩良弼爲右丞敬嗣暉李通爲參知政事

冬十一月癸未詔左丞相張浩參政敬嗣暉營建南

京宮室

政異繫年要錄載於元年及四年稍異王士

扁曰啟慶

行慶聖壽翠微慶甯景明坤甯光春萬甯

磐甯壽康

仁壽隆慶壽安長春建春興德慶元光興

孝甯壽聖

集慶坤儀會聖殿之扁曰長樂長生浮玉

仁安仁智

仁政保安保成洪政大安大慶崇慶廣寒

廣德廣仁

瓊光隆德德藻淵重光厚德天興樞光光德

光興集英

明俊熙春集賢明揚慶春泰和純和慶和

太和德和

元和魚藻德昌福甯燕壽德壽福壽端儀

德儀徽音

常武揚武臨武聖武皇武文文明芳明

承明文昭

乾元承華臨芳貞元宣華慈訓絳霄蓬萊

睿思翠霄

甯福紫宸奉慈湧金儀宸孝慈玉清神龍

丕承景祥

德輝辰居其他樓閣池苑名多不具錄日

下舊聞考

云士點所載宮殿各名據地理志及本紀

間有與上

京東京西京等處名目相同者如皇武光

德德元辰

居等殿興德慶元光興等宮史繫之上京

保安殿繫之西京孝寧宮繫之東京景明宮揚武殿
在桓州樞光殿在撫州柔遠殿長春行宮在濛州石
城縣光泰殿在遂城縣或異地同名姑存以俟考大
金國志云崇慶元年元軍至城下城中乏薪拆絳霄
殿翠霄殿毀瓊華閣材分給四城孫承澤春明夢餘錄
云遼正殿曰洪武元正殿曰大明後之年號國號先
見謂非定數耶朱昆田曰舊聞補遺云遼以大安
名殿而金以之紀年亦兆之先見者鄭建充傳字仲
實鄜州人仕宋知延安府來降擢京兆都監歷平涼
尹時營繕南京宮室山陝材木浮河下多沈溺有司
錮其家建充請至砥柱解筏順
是歲封子廣陽爲
滕王尋卒攻異畢沅續通鑑云九月改光州爲蔣州
太子光瑛名也太子年十二善騎射嘗射獐獲之主
以薦太廟趙翼劄記謂光化軍改爲通化軍又金章
宗以完顏匡爲賀宋正旦使權易名弼避宋諱此彼
此避諱故事也海陵以英字與鷹字聲相近改鷹坊
爲馴鷖坊國號有英國改爲壽國應園爲杞國滕王
母南氏本大吳家婢封才人續通考云三年正月丁

金史紀事本末

卷二十三

夫

亥有星大如杯長二丈餘其光燭地出太微沒於梗河之北

四年春二月丁未修中都城造戰船於通州

續通考云唐爲

潞縣金天德中改今名有豐備通濟二倉與定中升防禦州領潞縣三河二縣

諭宰臣以南

侵事調諸路明安穆昆軍皆籍之冬十二月乙亥殺

大醫使祁宰以其上疏諫侵宋故也

攷異纂年要錄云是年金命罷

諸路榷場祇留泗州一處遂詔留盱眙軍榷場餘并罷商賈失業者衆漸致抄掠久之乃定

五年春二月辛未河東陝西地震鎮戎德順軍大風

壞廬舍人多壓死

甲戌遣引進使高植刑部郎中

海古勒

原作海狗

分道監視所獲盜賊並凌遲處死或鋸

灼去皮截手足仍戒屯戍千戶穆昆等後有獲者並

處死總管府官亦決罰改異續通考云金舊俗輕罪

其腦殺之沒其家貲十四入官六償主家人及盜劫者擊

獄掘地廣數丈太宗稍用遼宋法刑贖並行嗣後以

杖折徒州縣立威置刃於杖虐於肉刑季年君臣好

用箠笞故習官吏日以慘酷爲能有司姦賊真犯可

決也而微過亦然風紀之臣失糾皆決考滿校其受

決多寡爲殿最其初效素人強主威待宗室少恩士

夫少禮均隱忍就功名世宗臨馭去律援經言幾於

道鮮有及之者章宗繼體尙有祖風熙宗創皇統頒

行取河南地罷酷毒刑具大定初立軍前權宜條理

復命刪定與前制書並行尋命大理卿移刺道重修

大定制條凡千一百九十條計十二卷泰和元年司

空襄進新定律令勅條格式後又命尼龐古鑑等重

修新律哀宗時用張行信言罷三月辛巳東海縣屬

高琪所定職官犯罪的決法

州民張旺徐元等反遣都水監徐文等率舟師九百

浮海討之以試水師未幾平庚子進右丞良弼爲

金史紀事本末卷二十三 七

左丞橫海節度使致仕劉長言起爲右丞

政異元好問中州集

東平劉長言字宣叔宋相莘老孫宣叔爲正隆宰相

詩文能世其家今不復見矣史祇載其爲右丞十一

月罷未言其爲宰相

夏四月庚戌昭妃富察阿里庫

原作阿里忽

有罪賜死昭妃爲駙馬都尉穆里延女初嫁宗磐

原作

蒲盧虎

子阿古岱被誅再嫁宗室囊嘉特亦死海陵初

欲取之其父不從及卽位三日卽納之因嗜酒寵衰

其女重節亦與海陵亂昭妃怒批重節頰滋不悅嗣

因榜殺厨婢三娘命縊殺之冬十二月癸丑禁中

都河南北山東諸路軍民網捕禽獸及畜養鷹隼者

禁朝官飲酒犯者死三國人使燕飲者罪

六年春正月丁丑判太宗正圖克坦貞等飲酒杖之

改異爽傳名阿林衛王宗強子官橫海節度使海陵將侵宋嚴酒禁坐與弟阿蘇及從父兄亨圖克坦貞

會飲被杖坐左遷所載較詳 辛丑殺富察阿古岱

海陵紀尙有益都尹京又異 原作阿 女徹辰徹辰慶宜公主出幼鞠宮中海陵欲

納之太后不可嗣諷其夫阿里布出之而納於宮中

至是以徹辰與完顏守誠有姦并殺之

改異續綱目云亮使伊喇

補出其妻富察 二月乙巳杖衛王襄之女及左宣徽

伊徹亮姊女也 使許霖 癸亥發中都丙寅次安肅州三月己卯改

河南北邙山

在洛陽府城外十里

爲太平山將至獲嘉

縣名屬衛輝府

有男子上書言事斬之所言莫得聞自中都至河南

所過麥皆空復禁扈從擾累莫有從者夏四月庚戌

發河南府契丹本布

原作不補

伏道左陳破海賊功爲李

惟忠所抑立命斬之

弟充妻烏雅

原作烏延

氏有罪賜

死因與奴姦也其弟指揮實訥

原作習泥

亦罪誅

五月

契丹諸部反遣右將軍蕭圖喇

原作秃刺

等討之尋命樞

密使布薩思恭等繼往

攻異伊喇鄂爾多傳一名巴錦系出遼五院司由令史歷

孟州防禦使正隆間轉同知北京留守會伊克河關子山等明安契丹謀亂時方發兵討之鄂爾多押軍

至松山縣爲所執不屈困辱之後

壬戌次南京是夜

大風壞承天門鴟尾

攻異續通考云正隆五年八月庚午日中有黑子狀如人六年

二月甲辰朔日有暈珥戴背紀均未載

癸亥備法駕入於南

京攻異熊克小紀

云時張浩具九節儀從迎亮入南薰門及門而雨暴至儀從皆不可舉入內至承天門迅雷大作天變如此竟不知懼所載各判

秋七月己丑命殺亡遼耶律氏宋趙

氏子男凡百三十餘人 八月壬寅單州杜奎據城

叛遣都點檢耶律湛等討之 癸丑以圖克坦太后

諫南侵弑之於寧德宮命焚之棄骨水中并殺侍婢

十餘人太后爲帝嫡母宗幹正室蒲帶

攷異汪輝祖金史同名錄

云卷七十三宗雄傳其孫北京臨潢提刑使卷八十

八完顏守道傳其弟點檢司判官卷一百三十夾谷

阿魯真傳其子

四人同名蒲帶之女賢而無子逮下有恩帝母大氏

事之謹熙宗被弑太后心非之不曾賀陰銜之及卽

位嫌隙愈深大氏崩自上京迎至中都諫阻侵宋益

不悅迫遷汴太后使侍婢高福娘問起居帝私之使

伺察動靜其夫特默格教之增飾其言嗣布薩思恭

討契丹入見太后語久之福娘以告使點檢大懷忠

改異大金國志作赤蓋彥忠等往弑之至則命太后

跪受詔尙衣局使華特默擊之仆而復起護衛高福

等縊殺之

改異北盟會編云亮在汴母病往視問所苦曰遠征江南是吾病也亮大怒曰非朕

母也乃梁宋國王之小妻耳遂賜白練死繫年要錄又作亮生母命護國將軍遲嘉彥忠弑之時圖克垣

后及太子光瑛復諫亮亦欲誅之避三日而後去所載各判封福娘鄖國夫人夫

爲刺史

大定間均伏誅

殺右將軍蕭圖喇護衛鄂勒博族樞

密使布薩思恭北京留守蕭曠西京留守蕭惟忠杖

尙書令張浩左丞相蕭玉 九月戊子殺前壽州刺

史摩囉歡

原作毛良虎

庚寅大名府賊王九據城叛眾至

數萬所至盜賊蠡起官軍莫敢近有言者輒罪之

庚寅大舉侵宋發南京留皇后及太子光英居守

宗室

表海陵子凡四人光英本名阿里布元壽封崇王舒蘇鄂不封宿王廣陽封滕王光英傳係圖克坦后生時燕京轉運使趙襲慶多男故又名趙六養於同判大宗正事方之家賜方錢千萬攷異趙可所撰王基墓誌云亮借民稅五年民益憤怨紀末載 冬十月丙午慶雲見世宗卽

位於遼陽改元大定左司郎中鄂博庫

原作吾補可攷異宏簡錄

作兀不喝後事世宗嘉其公忠累官橫海節度使見本傳等入白乃拊髀嘆曰我

本欲滅宋後改元大定豈非天命乎乃出素所取一

戎衣大定事示羣臣攻異大金國志作張浩錄敘文

之命盡誅黃河以北之叛已者繫年要十一月甲午

刻期渡江乙未兵變俄為完顏元宜等所弑年四十

攻異大金國志云主死於瓜洲渡龜山寺先一夕有大星墜地聲如雷且稱其知書自矯飾府庫資財無

所愛吟咏冠絕當時并未言及諸淫褻事賈益謙傳

謂海陵被弑世宗立大定間禁近能暴揚海陵螫惡

者輒得美仕故當日史官修實錄多所附會史稱海

陵之事君子不無憾焉夫正隆暴惡其大者斯亦足

矣中葺之醜史不絕書誠如益謙言則史亦可為取

富貴之道乎嘻其甚矣鄭子聃傳字景純廷試第一

甲第一人官贊皇令召為書畫直長海陵以會試第

一人程文示子聃意少之海陵因命與張汝霖等同

進士雜試中第者七十三人子聃果第一歷吏部侍

郎修國史世宗修海陵實錄知其詳無如子聃者蓋

以史事專都督府以其柩置南京班荆館後葬於大

責之也

房山鹿門谷諸王兆域中大定二年降爲海陵郡王
諡曰煬二十年降爲庶人改葬山陵西南四十里

金史紀事本末卷二十三

金史紀事本末卷二十四

馳封資政大夫 特賞內閣中書前江西峽江訓導萍鄉李有棠編纂

太宗子孫之戮

蕭玉事附

廢帝海陵庶人天德元年冬十二月以太保宗本爲太傅領三省事宗本原名阿魯太宗子熙宗天眷三年封原王初宗幹謀誅宗磐

原作蒲盧虎

故海陵心思太

宗諸子熙宗時私議宗本等勢强主上不宜優寵大甚及篡立猜忌益深遂與祕書監蕭裕謀殺太宗諸子誣以秉德出領行臺與宗本別因會飲約內外相應使尙書省令史蕭玉首告又宗本言長子錫里庫

原作鎖里虎攷異宗室表作阿里庫云原作阿里虎而未列其弟薩爾拉之名汪輝祖金史同名錄云卷七十四文傳靈壽縣主卷六十三海陵昭妃當大貴姓蒲察氏三人同名鎖里虎亦作阿里忽

因不令見主上又秉德言若太傅得大位此心方安

唐古辯謂宗本言內侍張彥善相相太傅有天子分

宗本答云有兄東京留守在宗美原作呼爾察攷異繫年要錄作衛王

義言太傅是太宗主家子合為北京留守一作呼拉布本

名可喜見宗本傳汪輝祖金史同名錄云卷六世宗大定二年兵部尙書有傳卷十四宣宗貞祐四年延

州刺史三人與宗本言事不宜遲宗本與玉言大計

同名可喜同祇於園場內決并賜袍馬為表識物遂以告蕭裕裕

以聞蕭玉出入宗本家親信如家人海陵恐宗本秉

德等宗室懿親誅之無名使玉上變可示信於是使

人召宗本等擊鞠海陵先登樓命左衛將軍圖克坦

塔斯

攷異宏簡錄作徒單特異

近侍局副使耶律必埒哩

攷異宏簡錄作

蕭裕妹婿

實達爾密伺宗本宗美至卽殺之宗美時

判大宗正事臨死神色不變宗本已死蕭裕使人召

蕭玉以車載至裕弟蕭祚家時玉被酒方醒驚恐號

跳裕附耳告以故且言告欵已具因引見海陵言宗

本反狀如裕所告因遣使殺東京留守宗懿

一作阿林北

京留守卞及遷益都

縣名屬青州府

尹畢王宗哲

原作和碩

平陽

尹稟

本作吁爾哈亦作胡里改攷異卷八十二顯德軍節度胡里

陟另一人左宣徽使

京

本作和色哩原作胡什資與異汪輝祖金史同名錄云卷七世宗大定十三年宿直將軍卷八大定

二十一年右副都點檢三人同名胡什資又胡失來見海陵昭妃阿懶傳與卷一百三十四西夏傳貞祐

三年陝西宣撫副使亦作胡失刺又忽失來見卷一百十八胡天作傳元光元年知平陽府事與執中傳

至寧元年等家屬分置別所既而使人要於路并其奉御同名

子男無少長皆殺之而中京留守宗雅喜事佛世稱

善大王召至闕亦殺之太宗子孫死者七十餘人異

苗耀神麓記云殺太宗子潞王阿魯中京留守胡里不阿里留守判宗胡里加宰王胡沙霍王胡東昇王

神徒馬蔡王烏也八人及後嗣七十餘口所載尋殊太宗後絕遂以宗本等罪

詔天下

宗固本名呼嚕

原作胡魯攷異汪輝祖金史同名錄云卷一世宗紀穆宗時蒲察部序墓

卷十六宣宗元光二年札也卷一百六高琪傳貞祐

初按察判官卷十六宣宗興定五年御史烏古論氏

卷九十三荆王守純傳興定時令史卷一百天會十

入宣宗哀宗時平章把氏七人同名胡魯

五年為燕京留守封幽王熙宗既誅宗磐呼原名富勒

魯虎太師宋王使宗固子京往燕京慰諭既而翼王呼蘭呼原作蒲

復從達蘭原作捷謀反因降封太宗諸子且下詔曰

國王宗固等或謂當絕屬籍朕所不忍但不得稱皇

叔其母妻封號從而降者審依舊典皇統二年使判

大宗正事三年為太保右丞相兼中書令是歲卒子

京坐宗本誅宗雅本名呼拉布中京留守封代王宗

偉原本名阿里布封虞王宗英原本名呼拉布攷異宗室

原本作阿魯補表作呼沙呼云原作斛

金史紀事本末

卷二十四

三

沙虎封滕王宗懿本名阿林東京留守封薛王呼蘭封翼王

宗美本名李吉一作呼爾察判大宗正封豐王實圖美一作神土門

封鄆王哈必蘇原作斛封霍王沃里一作幹烈封蔡王宗

哲本名和碩亦名鵲沙攷異汪輝祖金史同名錄云

中侍御史卷六十三熙宗益都尹封畢王皆天眷中

悼平后祖四人同名鵲沙

受封宗順本名阿魯帶攷異汪輝祖金

九章宗明昌二年邊將為夏人所殺卷九十四內族

襄傳其父皇統中參政卷一百一十一完顏訛可傳宣

宗時內族元帥都監亦作阿虎帶卷一百一十三賽不

通事卷六世宗大定二年萬戶卷十一章宗泰和三年
益都行省參政十天會二年卒後封徐王惟翼坐達
人同名阿魯帶

蘭誅餘均與宗本同時被害大定二年追封宗固魯
王宗雅舊王宗順隋王宗懿鄭王宗美衛王宗哲韓
王宗本潞王寶圖美幽王哈必蘇藩王沃哩鄂王呼
爾哈和色哩克實並贈金吾衛上將軍惟宗磐阿里
布呼沙呼呼蘭四人不復加封

攷異宗室表太宗子
凡十四人史載北京

留守太平陽尹稟皆太宗
孫不稱誰子未列世次

蕭王奚人既從蕭裕誣宗本罪海陵喜甚自尙書省
令史爲禮部尙書賜予甚厚數月爲參知政事丁母
憂起復授明安子尙公主賜第一區分宗本家資賜
之俄代張浩爲尙書右丞歷平章政事右丞相封陳

國公因訛閭拱事不合決杖正隆三年進司徒判大
宗正事五年以司徒兼御史大夫海陵至南京擢左
丞相改吳國公尋議伐宋事玉曰天以長江限南北
舟楫非我所長苻堅百萬伐晉不能一騎渡故知其
不可海陵叱使出怒其以苻堅爲比因杖張浩再杖
玉及發南京留玉與張浩同治省事世宗立降奉國
上將軍放歸田里奪所賜家產久之起爲孟州防禦
使轉定海節度使太原尹坐事免尋死子德用世宗
屏不任

金史紀事本末卷二十五

馳封資政大夫 特賞內閣中書前江西峽江訓導萍鄉李有棠編纂
蕭裕亂政

熙宗皇統七年冬十一月癸未以同判大宗正亮爲
尙書左丞亮引蕭裕爲兵部侍郎裕本奚人名揚珠

原作

遙折初以明安居中京海陵爲留守與相結每論天

下事裕揣海陵有覬覦心密謂曰留守先太師太祖
長子人心天意宜有所屬誠舉大事願竭力以從海
陵逆謀裕實啟之也至是除裕兵部侍郎出同知南
京留守事改北京海陵領行臺過北京謂裕曰我欲

就河南兵建立位號先定兩河舉兵而北君結諸明安以應我定約而去中道召還遂篡立拜祕書監

海陵天德二年夏四月戊午殺太傅宗本

本名阿魯等以

蕭裕爲尙書左丞初海陵心忌太宗諸子欲除之與裕密謀裕傾險巧詐因構致其罪宗本等已死裕乃求宗本門客蕭玉告以反狀已具令上變天下寃之語詳宗本事中因拜裕左丞加儀同授明安賜予甚厚秋七月己丑進拜平章政事監修國史舊制首相監修今以授裕異數也

貞元元年春三月辛亥遷都燕京以蕭裕爲右丞相

兼中書令裕在相位任職用事頗專恣威福在己勢傾朝廷海陵倚信之他相仰成而已裕與高藥師善嘗告以海陵密謀藥師奏之且謂裕有怨望心海陵

戒諭不罪之或又謂裕擅權者海陵以爲忌裕者衆

不之信因出其弟左副點檢祚爲益都尹妹夫左衛

將軍耶律必埒里

原作關
离刺

爲寧昌節度使

地理志云
軍名卽懿

州縣二遼以絕衆疑裕未悉其意轉謂海陵疑己海

陵弟究共在相位以裕多自用頗防閑之裕又謂海

陵使充備之也而海陵猜忌嗜殺裕恐及禍遂與前

真定尹蕭豐嘉努

原作馮
家奴

前御史中丞蕭珠展

原作
招折

博州同知約索

原作遙設

裕女夫和勒博

原作剌補

謀立亡

遼豫王延禧孫并使親信蕭托諾

原作屯納

往結西北招

討使蕭懷忠

一作海呼攷異繫年要錄作和和

懷忠依違未決謂托

諾曰此大事汝歸遣一重人來裕乃使珠展往懷忠

問與謀者復有何人珠展曰五院節度使耶律朗而

懷忠先與朗有隙而珠展嘗上達蘭

原作撻懶

變事懷忠

疑其反覆因執之并收朗繫獄上變時約索亦賜布

達

攷異滿州語飯也舊作白答今譯改

書令相助布達奏之海陵命斬

於市會懷忠上變事入奏得免海陵引見裕問謀反

故裕以前事所疑對且曰陛下與唐古辯及臣約同

生死辯以強忍果敢致死地臣恐不得死所故謀反耳太宗子孫無罪皆死臣手臣死亦晚矣海陵尙欲曲貸之裕曰臣子旣犯如此罪何面目見天下人願殺死以戒不忠者海陵遂以刀刺左臂取血塗裕面謂曰汝死當知朕無疑汝心因哭送出門殺之并誅約索及豐嘉努豐嘉努妻豫王女也與子穀皆與反謀并殺之遣護衛巴噶原作麗葛往西北招討司誅朗及珠展而托諾和勒博皆亡走捕得托諾棄市和勒博自縊死巴噶殺珠展等并殺無罪四人杖五十以裕等罪詔天下遷懷忠樞密副使以布達爲牌印高藥

金史紀事本末卷二十五
師嘗奏裕怨望進階顯武將軍懷忠尋出爲西京留守
守正隆末坐討契丹事被殺夷其族

金史紀事本末卷二十五